

東臺縣志卷之九 考四

城池 山阜

邑濱海隅舊無雉堞勝代爲防土城是設我溝我
涂市井羅列

聖世恬熙強疏跡滅民氣完固保茲無缺曰勤垣墉有
司之烈志城池

縣治土城明隆慶間運判馬會築周五里餘爲門四水
關二以備倭警今殘缺僅存基址高自四五尺至一
二尺不等嘉慶十年至十三年頻遭水患愈就卑削
東南北三門暨水關久圯惟西門尙有甃甃遺蹟內

東臺縣志

卷之九

城池

一

外環水爲濠內濠爲玉帶形今東北隅漸次堙塞東
南一帶嘉慶四年重濬

康熙中十場志土城議曰海墾之間民性醇樸昔固
野處若夫築斯城鑿斯池古未有也明嘉靖三十二
年倭寇犯境三十三年復闌入大肆焚掠三十六年
倭寇五千餘復至生員葛雷暨場耆老乃相率上書
鹽憲莫公如士請築城池時運司以錢穀不敷爲辭
至隆慶三年四川馬公會分判茲土始築土城制四
門闢二水關屹然爲一方保障圍廣一千三十六丈
三尺功雖未竟民胥賴焉萬曆四十七年巡鹽御史

龍公遇奇至場見土堡傾圮雷之孫生員葛世芳等
又復以甃城爲請乃委如皋知縣熊奮渭造樣城二
丈每丈當用銀十九兩有奇時題留銀一萬四千兩
存運司庫場士民復獻民間設處五策成議雖定大
功未舉竟斯役者豈不賴於後之官於茲土者哉
乾隆四十一年布政使陶檄查東邑城垣當於分設
事宜案內申明另行詳建奉部覆准飭遵時以東邑
設有倉庫署獄地近海濱理宜築城保護知縣涂躍
龍言地勢狹長難以建造河道環繞足資防衛四十
四年知縣葉端又言廬墓稠密河道繁多不能建造

東臺縣志

卷之九

城池

二

現賴民舍保衛倉署不致疎虞先後申詳議遂寢

閔琇東臺南城晚眺詩晚景荒城外秋風動客裳林
鐘歸鳥雀村笛到牛羊汗漫盧敖杖飄零范蠡航白
鷗休矯翼機事久相忘仇筠詩荒堞登臨思已遐
支離醉影對烟霞寒波立渾疑雪遠墅楓紅竟是
花不是身閒期采藥每因地僻欲移家良游今日皆
知已坐看垂陽漸漸斜戴勝過東亭登南城詩
獨有寥天未改青扁舟一葉點滄溟土城就下爭沙
岸茅屋浮空列草亭莫向夕陽貪徙倚應知秋柳感
飄零無端似我來還
去清切哀鴻不可聽

東臺分邑五十年而城垣未立大都小民可與樂

成難與慮始工役一興必先徹屋夷墓科派煩擾

未覩捍衛之利而害已先之故當事者往往牽於

浮言不能果於所行然縣境濱海防守之計不可

不先定於承平之日且比年洪水漲入市衢
倉署比戶遷徙駕木以居如有城可依其爲害當
不至是也司牧者宜究心焉

山阜

茅山 在縣治西七十里高二丈四尺周二百五十一
步相傳山生香茅長二丈五尺故名按阮昇之記云
茅山俗名避災地舊有道觀宋爲景德禪寺後香茅
不產存名而已

中洲山 在縣治西五里西溪鎮之北鹽倉之東按西
溪志云中洲山竹木森然東望滄海西望沃壤范文

東臺縣志

卷之九

山阜

三

正公構亭其上避暑地也中十場亦云范文正公築
之以望海上多竹木爲一鎮形勝今平莽荒邱略有
遺址

齊山 在縣治西五里西溪鎮之西舊載泰州志西溪
志其始不可詳今廢址猶存

泰山 在縣治西南五里西溪鎮通聖橋之南壘土而
成高四丈二尺上建碧霞宮故名泰山又日天妃山
吳嘉紀詩云天妃山下水泠泠田父柴門野色青峽
蝶隨羣游麥隴鴛鴦并翅下雲汀何時有地秋收穀
暇日留賓酒釀瓶刁斗無聞
租不負月明深夜徑花馨

望海山 在縣治西北二十八里草堰場便倉後上有

望海亭今圯

七山 一在梁梁場舊名湧泉墩順治十四年壘土而成高三丈寬十餘丈上有觀音閣久圯嘉慶十四年衆竈公捐重修大殿三楹前殿三楹兩廂四楹牌樓一座今名觀音山 一在拊茶場東嶽廟後高可丈餘圍五七丈許中十場志云其初不培而自起者

閔琇早春登南梁山望梁五檠書不至詩平野春光澹蕩同小山游興上崔嵬餘寒冰雪雙林積麗景雲霞萬島開海曲紫荆愁獨卧天涯客鬢老相催卻憐東閣看花去不遣揚州驛使來又九日登土山詩澄徹霜空雁影流小山飛閣亦堪游百年時序人誰健萬里關河客自愁秋氣遠橫滄海岸寒聲亂下古林邱相思欲采黃花贈搖落天涯共白頭

東臺縣志

卷之九

山阜

四

影山 在縣治南四十里安豐場新豐團自澤中起高二丈餘草木翳翳隱隱如高峰特聳翠黛橫雲照水

蕩漾故曰影山

吳嘉紀影山詩云決潏東海邊一邱何竦峭地僻名不章湖青影自照樓雲林低驚月鶴離叫祗應垂釣翁繫艇來登眺徐發莢和詩依稀海上山菘蘿起藪澤十丈吹紅塵山邊自遠隔秋月映蘆花天地光明積漁父吹笛來錯認神仙谷

虎墩 在縣治西北六十八里舊小海場范文正公築

捍海堰起自虎墩卽此地載泰州志又按中十場志

云富安場亦有虎墩在西便倉北故富安一名虎墩

王巖送客之虎墩詩又欲歸何處飄零向海涯山前多虎窟世外有人家曠野悲風動孤舟落日斜誰能

臨積水容易卧烟霞
澤滿哀鴻集墩留猛虎
鹽賤人休市年荒里罷春
吾廬仨直北試望數株松
吳嘉紀送汪左巖之虎墩詩

邑故無山也平行中有培塿或建寺宇或構亭臺
一邱一壑間爲昔人游詠之所今雖隱翳榛莽而
基址猶存亦按場志備錄之以資考證焉